

Datum: 16.12.2021.

UDRUŽENJE POSLODAVACA FEDERACIJE BOSNE I HERCEGOVINE
n/r Mladen Pandurević, direktor

Poštovani gospodine Pandurević,

Centri civilnih inicijativa (CCI) implementiraju projekat „Praćenje tokova korozivnog kapitala II“, u saradnji sa Centrom za međunarodno privatno preduzetništvo (CIPE) iz Vašingtona (SAD). Kroz ovaj projekat osmišljen je niz aktivnosti kojima se nastoji ojačati uloga inicijativa predvođenih privatnim sektorom koje unapređuju lokalna rješenja ekonomskih i upravljačkih izazova u državama Zapadnog Balkana.

Konkretno, aktivnosti u Bosni i Hercegovini (BiH) podrazumijevaju izradu Analize mehanizama provjere ulaganja sa preporukama i formiranje radne grupe sastavljene od predstavnika/ca biznis sektora, koja će se periodično sastajati s ciljem formulacije prioriternih problema privatnog sektora i izrade policy prijedloga sa prioriternim rješenjima na definisane probleme. Radnom grupom će upravljati Faruk Hadžić, nezavisni ekonomski ekspert angažovan na projektu.

Uzimajući u obzir Vašu poziciju i aktivizam na zagovaranju rješenja problema privatnog sektora, **bilo bi nam zadovoljstvo da učestvujete u radu radne grupe koja bi okupila predstavnike/ce biznis sektora u BiH** (poslodavce i predstavnike/ce biznis sektora, predstavnike/ce entitetskih udruženja poslodavaca, predstavnike/ce privrednih komora SAD-a, Velike Britanije i Njemačke u BiH, kao i predstavnike/ce Delegacije Evropske unije u BiH).

Planirano je održavanje najmanje tri sastanka radne grupe (online ili offline) u trajanju do 2 sata u periodu februar – april 2022. godine. Na sastancima radne grupe bi se razmotrili prioriterni problemi privatnog sektora, prioriterna rješenja problema, te izradio nacrt policy dokumenta za zagovaranje prioriternih rješenja koji bi bio predstavljen javnosti.

Ovom prilikom Vas molimo da potvrdite preliminarnu zainteresovanost za učešće u radnoj grupi, te predložite datum i vrijeme uvodnog online sastanka u trajanju do 30 minuta na kojem bi Vas u većoj mjeri upoznali sa projektom i konceptom rada radne grupe.

Ukoliko ste zainteresovani za učešće u radnoj grupi, ljubazno Vas molimo da povratnu informaciju dostavite na e-mail adresu emina@ccibh.org. Za sve dodatne informacije možete nas kontaktirati na broj telefona 063 396 518. Kontakt osoba je Emina Ćatić.

S poštovanjem,



Zlatan Ohranović, direktor